



بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI
MUFTILUK ZENIČKI
MEDŽLIS ISLAMSKJE ZAJEDNICE TEŠANJ



GODINA VIII
Broj: 2/31

BILTEN

april-juni 2013.g.
dž.-ula- ša'ban 1434.h.g.

Interno informativno glasilo Medžlisa IZ-e Tešanj

Odgov i obrazovanje – završena mektebska i školska godina (str. 4. i 5.); na FIN-u magistrirao Almir ef. Hadžić



Pobjednici općinskog takmičenja iz mektebske nastave održanog 20. 04. 2013. u Tešnju



Pobjednici 9. općinskog takmičenja iz vjeronauke održanog 13.04. 2013. u OŠ „Kulin Ban“ Tešanjka

Javni programi – Obilježen općinski „Dan šehida“, 7. maj „Dan džamija“, mevludi, tribine ... str. 6. i 7.



Kraševo – 28. 04. 2013.- općinski Mevlud za šehide



Miljanovci Novi – 07. 05. 2013.- Večer Kur'ana

Najava svećenog otvorenja Sulejmanije džamije Jelah 31.08.2013. g.



Anes Mulić



Polaznik mektebske nastave iz Šarenog mekteba, ukupni pobjednik mektebskog takmičenja iz Kiraeta za stariji uzrast na nivou Rijaseta-25.05.2013.

Nastavljen generacijski projekat obnova zgrade ranije Ferhatbeg medrese



Završeno unutrašnje malterisanje, postavljen regips, vodo i elektro instalacije... str.3.

RAMAZAN ŠERIF MUBAREK OLSUN

Medžlis islamske zajednice Tešanj. Gazi Ferhad-bega 1. Tel/fax: (032) 650-087. Predsjednik: 650-470. Glavni imam: 650-386

RAMAZANSKA PORUKA GLAVNOG IMAMA MIZ TEŠANJ

Bismillah...

Svjedočim da nema drugog Boga osim Allaha Koji nam je propisao post u mjesecu ramazanu.

Neka je salavat i selam na posljednjeg Božijeg Poslanika koji je rekao: „*Postać ima dvije radosti: radost iftara i radost susreta sa svojim Gospodarom*“.

Draga braćo i sestre,

Svake godine dočekujemo mjesec Ramazan. Govorimo, slušamo i uživamo u njegovim blagodatima. U njemu su naše duše sretne i radosne, jer je to mjesec Kur'ana, posta, zekata, ibadeta, rahmeta, magfireta i oslobađanja od džehennemske vatre.

To je mjesec u kome se Allah dž.š. ponosi pred Svojim melecima sa onima koji se nadmeću u dobročinstvu.

Ramazan nam šalje poruku da je cilj posta bogobožnost, koja iz našeg života odstranjuje laž, potvoru, ogovaranje, bestidan govor, šejtansko došaptavanje, a osnažuje nas u jedinstvu ibadeta i vremena, makar to bilo mrsko nevjernicima.

Ramazan je zato neponovljiva šansa koja se ukazuje kako pojedincu tako i narodu za poboljšanje vlastite budućnosti. U životu će uspjeti samo onaj pojedinac ili narod koji prema životu na ovom prolaznom svijetu bude krajnje ozbiljan.

Mjesec ramazan zahtijeva tu ozbiljnost od nas. Ne zaboravimo ako činimo dobro za sebe ga činimo, a ako činimo loše djelo radimo protiv sebe, pa makar te aktivnosti, ne daj Bože, bile usmjerene prema nekom drugom. Čuvajući drugoga čuvamo i sebe.

Zato se nadam da će ovogodišnji mjesec Ramazan imati drugačiji prizvuk u našim životima, jer ako ne zaslužimo oprost u ramazanu ne znam kad ćemo?!

„Allah, neće izmijeniti stanje jednog naroda dok taj narod ne promjeni sebe“

Gospodaru naš blagoslovi nas u ramazanu, nemoj nam uskratiti lijepe osjećaje i slast mjeseca ramazana. Primi naša dobra djela kako bi zaslužili Tvoj oprost.

RAMAZAN ŠERIF MUBAREK OLSUN
braćo i sestre!

POZIV NA SARADNJU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis

Naša nova web stranica: www.miztesanj.ba

e mail: iztesanj@bih.net.ba

Aktivnosti IO Medžlisa –

Održana 29. redovna sjednica 23.05.2013. godine, u prostorijama Medžlisa IZ-e Tešanj, sa početkom u 15,00 sati. Na navedenoj sjednici, između ostalog, usvojena je informacija o provedenom takmičenju učenika osnovnih i srednjih škola iz islamske vjeronauke i polaznika mektebske nastave, informacija o obilježavanju 7. maja "Dana džamija", informacija o pripremama za predstojeći mjesec ramazan, informacija o stanju članarine IZ-e za period januar-april 2013. godine, sa prijedlogom zaključaka, prijedlog Odluke o izvršenju Budžeta Medžlisa IZ-e Tešanj za 2013. godinu, prijedlog Pravilnika o izmjenama i dopunama Pravilnika o radu, prijedlog Zaključka o raspisivanju konkursa za imama džemata Piljužići, te Prijedlog raspodjele sredstava iz sergije za potrebe liječenja džematlija po podnesenim zahtjevima džematskih odbora sa područja ovog Medžlisa.



Sa 29. redovne sjednice IO

Održana 30. redovna sjednica IO – 25.06.2013.g.

u prostorijama Medžlisa kojom je predsjedavao predsjednik Zehrudin Kruško, a prisustvovalo 8 članova. Na sjednici je razmatran dnevni red od 6 tačaka, a usvojeni su: Zapisnik sa 29. redovne sjednice IO i informacija o realizaciji zaključaka, Informacija o završetku mektebske 2012/13 godine, Prijedlog plana aktivnosti za ramazan 1434.h.g. /2013.g., zaključak o razrješenju džematskog odbora Piljužići i imenovanju Povjereništva...



Prisutni članovi IO na 30. sjednici

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić, tehnički urednik, tekst i foto Rašid Orlović

Redakcija: Salih ef. Haušić prof., Dževad ef. Hasanbašić prof., Enver ef. Kurtić prof., mr. Almir ef. Hadžić i Suljo ef. Djedović, saradnici imami MIZ-e Tešanj.

Generacijski projekat

Obnova i rekonstrukcija zgrade bivše Ferhatbegove medrese – sjedišta Medžlisa IZ-e Tešanj

Tačno nakon sto (100) godina od tadašnje obnove i gradnje novog objekta Gazi-Ferhatbegove medrese u Tešnju (*Kotarski ured u Tešnju 3. aprila 1912. godine pod brojem 5607 izdao nalog muteveliji vakufa Gazi Ferhatbegove medrese Ibrahimbegu Ibrahimpašiću da se dotrajali objekat medrese poruši*) pa je objekat porušen i radovi na gradnji novog započeli 1912. g., a završeni u decembru 1913.godine, kada su učenici medrese uselili u novi objekat medrese, a tadašnje kotarsko vakufsko-mearifsko povjerenstvo uselilo u zgradu medrese 1. februara 1914. godine, evo ponovo se obnavlja – gradi nova zgrada medrese za sjedište Medžlisa IZ-e u Tešnju.

Objekat je spratnosti: prizemlje + sprat, sa viševodnim krovom, nepravilne forme dimenzija **25,00 x 19,00 m**, ukupne površine **547,00 m²** od čega je prizemlje 281,50 m², sprat 265,50 m². (Raniji objekat je imao samo prizemlje površine 232,2 m²).

Unutrašnja avlija ranijeg objekta je bila bez krova, a u novom je natkrivena staklenom kupolom, koja sa ostalim krovom pokrivenim crijepom čini jednu krovnu cjelinu.

U prizemlju novog objekta su: avlija, kancelarije administrativno pravne i finansijske službe, sala za sastanke, ženska i muška abdesthana sa sanitarijama i kotlovnica.


Na spratu su: kancelarije glavnog imama, predsjednika i sekretara, soba za prijeme, jedan apartman, kuhinja, sanitarije...

Do sada su izvedeni radovi: grubi građevinski radovi (zemljani, armirački, betonski, zidarski, stolarski - na vanjskim otvorima, tesarski, pokrivački, fasaderski - vanjska fasada, zanatski radovi - vodoinstalaterski, elektroinstalaterski, hidroizolatorski, termoizolatorski, grubo i fino malterisanje...

Preostali radovi: zanatski (centralno grijanja, podopolagački, keramičarski, molersko-farbarski, bravarski...).

U izgradnju objekta do sada je utrošeno: 377.792,00 KM.

Za preostale radove potrebno: 278.608,00 KM



Ovim projektom Medžlis IZ-e Tešanj rješava svoje dugogodišnje pitanje trajnijeg smještaja i istovremeno produžava vijek trajanja vakufa Gazi Ferhat-begove medrese u Tešnju.

Pozivamo vas da i vi uvakufite dio svojih sredstava i kao vakif potpomognete daljnji opstanak ovog vakufa, uplatom na blagajni medžlisa IZ-e Tešanj ili na transakcijski račun Medžlisa IZ-e Tešanj kod Vakufske banke d.d. Sarajevo, Filijala Tešanj broj: **1603005500011523 sa naznakom „Za sjedište Medžlisa“**, za što će vam biti izdata propisana vakufnama ili drugi odgovarajući dokument, a vaše ime upisano u jedinstvenu knjigu vakufa obnove ovog objekta koja će, nakon završetka radova, biti izložena u objektu.

„Odgaj i obrazovanje kroz mekteb i školu“

Mektebsku nastavu na području Medžlisa IZ-e Tešanj u toku 2012/2013. godine realizovalo je **36** muallima na **48** punktova, gdje je upisano **3175** polaznika, od čega je pohađalo Kur'ansko pismo (sufaru) 908, a u Kur'anu učilo **1019** polaznika.

Na takmičenju polaznika mektebske nastave 20.04.2013.g. iz općeg znanja i kiraeta na nivou Medžlisa IZ-e Tešanj učestvovalo je 93 polaznika (po 3 iz svakog mekteba – 1 iz općeg znanja i 2 iz kiraeta), a pobijedili su:

Iz Općeg znanja:

I mjesto – Zahir Bavrak iz džemata Jablanica, muallim Dževad ef. Hasanbašić.

II mjesto – Sumeja Smajić- iz džemata Miljanovci, muallim Raif ef. Hasak prof.,

III mjesto – Fatima Hadžikadunić - iz džemata Jevadžije, muallim Fuad ef. Čeman prof.

Iz Kiraeta – mlađi uzrast:

I mjesto – Ragib Halilović iz džemata Karadaglije, muallim Husein ef. Bećirović prof.,

II mjesto – Abdulah Salkanović iz džemata Šije Donje Polje, muallim hafiz Almir ef. Salkanović prof.

III mjesto – Dalila Alić iz džemata Jelaha, muallim mr. Almir ef. Hadžić.

Iz Kiraeta – stariji uzrast:

I mjesto – Anes Mulić iz Šarenog mekteba, učili ga Salih ef. Haušić prof., i hafiz Ahmed Bukvić prof.

II mjesto – Ismet Salkanović iz džemata Medakovo, muallim Sadulah ef. Salkanović,

III mjesto – Adnan Pelto iz džemata Mrkotić-Putešić, muallim Hajrudin ef. Delić.

Pobjednici iz sve tri kategorije predstavljali su Medžlis IZ-e Tešanj na takmičenju nivoa Muftiluka zeničkog koje je održano 12. 05. 2013.g. u Tesliću gdje su postigli slijedeće rezultate:

Zahir Bavrak – 5. mjesto, Ragib Halilović – 3. mjesto i **Anes Mulić – 1. mjesto.**

Ekipno – Medžlis IZ-e Tešanj zauzeo je 3. mjesto.

Anes Mulić zauzeo prvo mjesto i na nivou Rijaseta-25.05.2013.g. u Bugojnu.

Na završnim ispitima prisustvovalo je ukupno **2596** polaznika (81,7% od broja upisanih).

Hatma dove polaznika mektebske nastave održane su u **21** džematu na kojima je uručeno **612** svjedodžbi o završenoj hatmi. Posebna radost bila je u porodicama iz kojih su polaznici prvi puta činili hatmu. Najviše hatmi su završili polaznici Šarenog mekteba-72, Miljanovci -71 i Miljanovci Novi 56.

Mektebske knjžice jednoobrazne na području Muftiluka zeničkog, podijeljene su svim polaznicima mektebske nastave na području ovog Medžlisa na kraju mektebske godine (subota 08.06.2013.g.) - ove godine prvi puta, a izrađene su za cijeli period pohađanja mekteba (svih 9 godina).

Sportski susreti polaznika mektebske nastave „Mekteb 2013.“ 15. po redu održani su u nedjelju 09.06.2013. godine na stadionu „Šibovi“ u Jelahu.

Na njima su učestvovali polaznici mektebske nastave iz svih 32 mekteba sa područja Medžlisa IZ-e Tešanj, takmičenje je održano u tri discipline i to:

I – NOGOMET

1. mjesto – ekipa mekteba Bobare, 2. mjesto – ekipa Šarenog mekteba Tešanj i 3. mjesto – ekipa mekteba Šije.

II – TRČANJE na 100 metara

1. mjesto – Salih Delić – iz mekteba Miljanovci

2. mjesto – Abdulah Haušić iz Šarenog mekteba

3. mjesto – Ahmed Husibegović iz mekteba Raduša.

III – SKOK U DALJ

1. mjesto – Asim Jacić iz mekteba Miljanovci Novi,

2. mjesto – Emir Karahmet - iz mekteba Miljanovci,

3. mjesto – Samir Kantić - iz mekteba Šije Gornje Polje

Domaćin finalnog takmičenja je bio džemat i MZ Jelaha, sponzori MIZ Tešanj, Općina Tešanj, Sberbank, Alfa i omega, a sudije fudbalskog turnira iz FK „Borac“ Jelaha.

Svim učesnicima i imamima obezbijedena hrana, a pobjednicima vrijedne nagrade (medalje, diplome i prelazni pehar).

Na osnovu provedenog takmičenja polaznika mektebske nastave, završnih ispita, sportskih susreta i uvida glavnog imama, najbolje rezultate u izvještajnoj godini u mektebskoj nastavi postigli su slijedeći džemati i muallimi:

1. Sadulah ef. Salkanović– imam džemata Medakovo

2. Salih, Enver, hfz. Ahmed i hfz. Nijaz ef. iz Šarenog mekteba

3. Raif ef. Hasak- imam džemata Miljanovci

4. Almir ef. Hadžić – imam džemata Jelaha

5. Suljo ef. Djedović – imam džemata O. Planje



Pobjednici (1. 2. i 3.m) sportskih susreta u fudbalu

Red. br.-mjesto	Mekteb (džema'at)	PREZIME I IME MUALLIMA	UPISANO				ZAVRŠNI ISPITI			Osvojeno bodova na mektebskom takmičenju	Sportski susreti	Ukupno bodova
			Imihal	Sufara	Kur'an	Ukupno	Prisutno	Hatme	Bodovi			
1.	Medakovo	Salkanović Sadulah	35	30	31	96	79	30	93	154,46	0	247,46
2.	Šareni mekteb	Salih H., Enver K., Ahmed B., i Nijaz M.	57	100	113	270	183	72	82,3	161,32	3	246,62
3.	Miljanovci	Hasak Raif	61	42	79	182	162	71	94	147,59	5	246,59
4.	Jelah	Hadžić Almir	64	67	40	171	143	35	96	144,29	0	240,29
5.	O. Planje	Djedović Suljo	36	24	46	106	91	41	93	144,12	0	237,12
6.	Mrkotić-Putešić	Delić Hajrudin	47	40	39	126	89	38	88	147,26	0	235,26
7.	Miljanovci Novi	Ibrahimović Nermin	60	13	73	146	146	56	89	140,83	1	230,83
8.	Vukovo	Alić Mirnes	54	21	27	102	102	27	83	142,33	0	225,33
9.	Kalošević	Omerbašić Ibrahim	47	21	22	90	54	10	82	141,26	0	223,26
10.	Bukva	Okanović Ibrahim	26	28	39	93	68	27	89	131,12	0	220,12
11.	Šije	Delić Ševal	82	43	55	180	127	0	84	135,09	0	219,09
12.	Tešanjka	Balić Mustafa	27	23	18	68	56	16	81	137,63	0	218,63
13.	Raduša	Svrzo Ramo	55	39	42	136	128	39	88	129,71	0	217,71
14.	Trepče	Halilović Sulejman	62	23	17	102	77	0	78	134,63	0	212,63
15.	Jablanica	Hasanbašić Dževad	34	49	23	106	87	0	81	131,26	0	212,26
16.	Karadaglije	Bećirović Husein	77	25	43	145	118	0	84	126,32	0	210,26
17.	Jevadžije	Ćeman Fuad	30	21	17	68	66	0	77	130,29	0	207,29
18.	Novo Selo	Hodžić Emir	31	14	29	74	71	0	75	130,16	0	205,16
19.	Kraševo	Bećirović Dževad	19	30	21	70	63	19	75	127,43	0	202,43
20.	Lepenica	Aličić Elvedin	39	47	26	112	87	17	83	118,99	0	201,99
21.	Šije G. Polje	Garić Adem	28	7	24	59	52	23	74	122,82	0	196,82
22.	Harman dž.	Bedaković Amar	11	15	9	35	35	9	67	128,09	0	195,09
23.	Džemilić Planje	Zahirović Haris	39	27	37	103	78	26	81	106,29	0	187,29
24.	Šije D. Polje	Salkanović Almir	28	15	7	50	38	7	71	113,58	0	184,58
25.	Dolac-Kotlanice	Alispahić Džafer	32	19	29	80	69	24	80	101,49	0	181,49
26.	Kutahya dž.	B. Suljo i Ć. Fatima	24	18	26	68	52	0	71	109,16	0	180,16
27.	Mračaj-Potočani	Bračkan Muris	24	6	8	38	28	0	67	111,63	0	178,63
28.	Ljetinić	Lekić Hamzalija	29	26	27	82	60	20	68	109,28	0	177,28
29.	Dobropo-Mekiš	Halilović Hasan	39	25	18	82	74	0	71	101,78	0	172,78
30.	Čaglići	Bećirović Mirsad	9	18	13	40	37	0	69	97,6	0	766,6
31.	Bobare	Bašić Saudin	34	30	16	80	61	0	62	97,09	1	160,09
32.	Tugavići	Malagić Nijaz	8	2	5	15	15	5	65	0	0	65
33.	Piljužići		0	0	0	0	0	0	0	0	0	0
UKUPNO:			1248	908	1019	3175	2596	612				

VJERONAUKA U ŠKOLI - I ove školske godine su vjeronaukom obuhvaćeni svi razredi u osnovnim i srednjim školama na području Medžlisa IZ-e Tešanj. U osnovnim školama na nastavi Islamske vjeronauke prisutno je bilo 99.% učenika, a u srednjim školama 97,82%.

Vjeronuku u OŠ izvodilo je 22 nastavnika, a u srednjim školama 5 profesora Islamske vjeronauke.

Ovogodišnje (deveto za redom) općinsko takmičenje učenika OŠ i prvo srednjih škola iz Islamske vjeronauke održano je u organizaciji Medžlisa IZ-e Tešanj u OŠ „Kulin Ban“ Tešanjka. Pobjednici takmičenja bili su:

VII – Razred: 1. mjesto – Dženita Mudrov – OŠ „Džemal Bijedić“ Miljanovci,

2. mjesto – Zekija Solo – OŠ „1. mart“ Jelah i 3. mjesto – Emina Mujkanović - OŠ „Huso Hodžić“ Tešanj.

VIII – Razred - 1. mjesto – Ajla Ibrahimović – iz OŠ „Džemal Bijedić“ Miljanovci,

2. mjesto – Muhamed Merdić – OŠ „9. septembar“ Medakovo, 3. mjesto – Amina Bajrić - OŠ „Mustafa Mulić“ Šije.

IX- Razred - 1. mjesto – Rukija Muminović – OŠ „Kulin Ban“ Tešanjka,

2. mjesto – Sumeja Smajić – OŠ „Džemal Bijedić“ Miljanovci, 3. mjesto – Dženita Agić – OŠ „1. mart“ Jelah.

I- Razred - srednjih škola: 1. mjesto – Amina Mević – Gimnazija „Musa Ćazim Ćatić“,

2. mjesto – Medina Husibegović Srednja tehnička škola, 3. mjesto - Adnan Jašarević Srednja tehnička škola.

Prvoplasirani takmičari učestvovali su na takmičenju Muftiluka zeničkog održanog 11. 05.2013. u Zavidovićima Ibrahimović Ajna – 5. mjesto; Muminović Rukija 5. mjesto i Mević Amina 2. mjesto. (za sedme razrede takmičenje održano samo u Tešnju. Takmičenje u Tešnju 9. godina za redom, Muftiluka 7. godinu za redom i Rijasetu 2.godina).

Obilježeni 7. maj „Dan džamija“ na području Medžlisa IZ-e Tešanj, izdvajamo...**Sjećanje na šehide**


Trepče – 27. 04. 2013. godine – proučen džematski mevlud za šehide poslije podne namaza, koga su zajedno organizirali džemat i MZ Trepče. Mevlud proučili imami Medžlisa IZ-e Tešanj, podatke o šehidima pročitao Dževad ef. Hasanbašić imam džemata Jablanica i saborac šehida iz Trepča, a prisutnima su se prigodno obratili džematski imam Sulejman ef. Halilović, i glavni imam mr. Fuad ef. Omerbašić.

Mrkotić-Putešić – 27.04.2013.godine – Proučen mevlud za šehide poslije akšam-namaza. Jasin proučili polaznici mektebske nastave, a mevlud imami okolnih džemata. Prisutnima su se prigodno obratili džematski imam Hajrudin ef. Delić, glavni imam Medžlisa IZ-e Teslić Džafer ef. Gračić i glavni imam Medžlisa IZ-e Tešanj, koji je uručio nagrade ispred džemata Mrkotić-Putešić polaznicima mektebske nastave koji su ovaj džemat predstavljali na takmičenju nivoa Medžlisa i zauzeli 3. mjesto.

Kraševo – 28.04. 2013. godine proučen mevlud za šehide u Kraševu poslije podne-namaza, koga svake godine u povodu 7. maja „Dana džamija“ i općinskog „Dana šehida“ zajedno organizuju Medžlis IZ-e i Organizacija porodica šehida i palih boraca. Ove godine 19. godinu za redom. Mevlud su proučili imami Medžlisa IZ-e Tešanj, a prisutnima su se obratili džematski imam Dževad ef. Bećirović, predsjednik OPŠiPB Muhamed Jahić, Općinski načelnik mr. Suad Huskić i glavni imam.



U: Trepču



Mrkotić-Putešiću



Kraševu

Centralna manifestacija

Miljanovci Novi - 07. 05. 2013. godine održana „Večer Kur'ana“ u džamiji poslije akšam namaza kao centralna manifestacija Medžlisa IZ-e Tešanj i Muftiluka zeničkog. Učenjem Kur'ana Časnog na manifestaciji učestvovala 4 hafiza, (2 iz Turske - Talha Kalkan i Šukru Ujmaz, 1 iz Hrvatske - kura hafiz Aziz Alili i 1 iz Makedonije - Bajram Ajeti), te ataše za vjerska pitanja u Ambasadi R Turske u BiH Hasan ef. Atli i Muftija Kutahye Mustafa Uskuluplu. Prisutnima su se prigodno obratili džematski imam hafiz Nermin ef. Ibrahimović, glavni imam, Muftija Kutahye i Muftija zenički mr. Ejub ef. Dautović. Među brojnim posjetiocima (prepuna džamija i harem) prisutni su bili i predsjednik IO Zehrudin Kruško, glavni imami Medžlisa IZ-e Zenica mr. Jakub ef. Salkica, glavni imam MIZ-e Maglaj Izudin ef. Kruško, Općinski načelnik mr. Suad Huskić, predsjedavajući OV Tešanj Fuad Šišić, poslanik u državnom parlamentu Šemsudin Mehmedović i dr.

**Tribine**

Mračaj-Potočani- 03.05. 2013. godine - tribina poslije akšam namaza – gost predavač hafiz Mirnes ef. Spahić.

Jelah – 05.05.2013.godine održana tribina poslije akšam namaza. Gost uvodničar dr. Ismet Bušatlić, dekan FIN-a u Sarajevu.

Oraš Planje – 12. 05. 2013. godine Održana tribina u džamiji poslije akšam namaza. Gost predavač bio Nezim ef. Halilović „Muderris“.

Unapređenje vakufa

Hamzibegova džamije – 22. 04. 2013. godine započeli radovi na unutrašnjem uređenju i rekonstrukciji džamije. Radove izvodi Firma Ingrat iz Lepenice. (foto na zadnjoj stranici – Infrastruktura).

Medžlis Tešanj – 07.05.2013. godine - Kupljeno zemljište za proširenje harema džamije i izradu parking prostora u Jelahu. Sredstva u iznosu od 30.000,00 KM u ime supruge hadži Zade Elizabete Sejdić uplatio hadži Muharem Sejdić. Pored hadži Muharema, ovom činu su prisustvovali glavni imam i predsjednik IO, imam i predsjednik džematskog odbora Jelah mr. Almir ef. Hadžić i Kasim Alić.

Škola

Srednjoškolski centar Tešanj – 07.05.2013.godine u amfiteatru škole sa početkom u 12,00 sati učenici srednjih škola pripremili prigodan program - prezentacija radova na temu 7. maj „Dan džamija“ i izvođenje prigodnih ilahija. Programu prisustvovali učenici srednjih škola, profesori, direktori, delegacija Medžlisa predvođena glavnim imamom i predsjednikom IO Zehrudinom Kruškom, te gosti iz Turske na čelu sa Muftijom Kutahye Mustafom Uskuluplu.



Aktivnosti..., događaji..., iz naših džema'ata...

Dobropolje-Mekiš 19.05.2013. tradicionalni mevlud (10. godinu za redom) – u džamiji ovog džemata. Mevlud su proučili imami Medžlisa IZ-e Tešanj, kraći zikir predvodio hadži Hidajet Čeman, a prisutnima se prigodno obratili glavni imam mr. Fuad ef. Omerbašić i džematski imam Hasan ef. Halilović. Vazu nasihat održao Ramo ef. Svrzo prof., imam džemata Raduša.



Obilježene mubarek noći za područje grada Tešnja:

16. 05. 2013. – Mevlud u povodu **Lejletu-r-regaiba** u Čarši - džamiji
05.06. 2013. – **Lejletu-l-Mi'radž** u Čarši džamiji i **hamta-dova** polaznika mektebske nastave Šarenog mekteba.



23.06.2013. – **Lejletu-l-Berat** u Čarši- džamiji, gdje su tevhid proučili imami gradskih džemata.

Mračaj-Potočani – u saradnji sa udruženjem „Misku-l-Islam“ održavane redovne mjesečne tribine u džamiji:
03.05.2013-hfz. Mirnes ef. Spahić,
31.05.2013. – Doc. dr. Mustafa Hasani
28.06.2013.- dr. Sead Seljubac.

Raduša–16.06. 2013. tradicionalni mevlud za šehide i rahmetli vakife – proučili imami Medžlisa IZ-e Tešanj, a prisutnima se prigodno obratili Salih ef. Haušić prof. , imam Dibekhana džamije i glavni imam mr. Fuad ef. Omerbašić. Izraze dobrodošlice i selame gostima uputio imam Ramo ef. Svrzo prof., a hatma-dovu proučio Mujo ef. Kavazović.



Učenje mevluda u Raduši

Mr. Almir ef. Hadžić, imam džemata Jelah, na Fakultetu Islamskih nauka u Sarajevu u srijedu 19.06.2013. godine uspješno odbranio magistarski rad na temu: „Reformističke ideje škole El-Menar u *Glasniku Islamske zajednice u Bosni i Hercegovini od 1933. do 1982.*“ čime je stekao, i od strane ovog Fakulteta mu je priznato, zvanje **magistar islamskih nauka (oblast Tefsira)**.

Tim povodom je 21.06.2013. godine upriličen prijem za navedenog imama kod glavnog imama Medžlisa mr. Fuada ef. Omerbašića, koji mu je čestitao na postignutom uspjehu, te u ime Medžlisa uručio prigodnu hediju. Prijemu je prisustvovao Halid ef. Hadžić, otac navedenog imama i dugogodišnji imam Medžlisa u penziji, te Kasim Alić, predsjednik Džematskog odbora džemata Jelah, koji je navedenom imamu za postignuti uspjeh u ime džemata Jelah takođe uručio prigodnu hediju.

Almir ef. je rođen 25.10.1969.godine u Tešnju.

Sin je Halid ef. i Safije. Oženjen je i ima dvoje djece.

OŠ završio je Medakovu, GHM u Sarajevu 1988.g.,

IPA u Zenici 1996., a FIN-a u Sarajevu 2000.godine.

Za imama džemata Jelah postavljen je 01.11.1992.godine.

Prvi radni odnos zasnovao je 01.10.1989.godine kao imam džemata Mrkotić.



Rijeka –3 i 4. maja 2013.g. Svečano otvorenje džamije i islamskog centra – Imami medžlisa IZ-e Tešanj posjetili Medžlis IZ-e Rijeka i prisustvovali mevludu uoči otvorenja i svečanom otvorenju. Pored imama otvorenju su prisustvovali i brojne džematlije sa područja našeg medžlisa.



Svečano otvorenje džamije Rijeka

Lepenica: Mevlud u mesdžidu Bedaci – 26.05.2013.g. Mevlud proučili imami Medžlisa IZ-e Tešanj, a prisutnima se obratio glavni imam, kome je predsjednik dž.o. uručio zahvalnicu za pomoć u opremanju mektebske učionice u Mesdžidu Bedaci.

Dolac-Kotlanice - juni 2013.g. Završeni radovi na uvođenju podnog grijanja i krečenja džamije.

Đž. Planje – Nabavljen i postavljen novi centralni luster u džamiji.

Donacija 10 invalidskih kolica Vakufske direkcije Općoj bolnici Tešanj – 29.06. 2013.g.



I- INFRASTRUKTURA**Tešanj: Hamzibegova džamija****maj-juni 2013. -Rekonstrukcija džamije**

Obijen malter sa zidova, srušen zid mahfila, od postojeće prezide ispod mahfila izrađeni lučni stubovi, prednja strana mahfila ojačana nosivom gredom i novim bočnim stubovima, izbetonirana ploča na mahfilu, uklonjen drveni pod i izbetonirana ploča, urađeno podno grijanje i glazura, omalterisani zidovi, postavljena nova elektroinstalacija, restauriran mihrab, postavljen viseći strop, nova prostirka, nanesena nova bijela vanjska fasada.



→ Nekad bili prozori, zazidani prilikom jedne od ranijih rekonstrukcija

Mihrab i zidovi nakon obijanja maltera


Jablanica- juni 2013.g. u toku radovi na rekonstrukciji vakufske kuće, nadzidan sprat.



Miljanovci Novi—april 2013. završeni radovi na krečenju i novoj rasvjeti munara



Tešanjka- april 2013. Završeni radovi na rekonstrukciji munara

**II – TRIBINE – SEMINARI - PROMOCIJE****Oraš Planje; Tribina i mubarek noć**

Lejletu-l-Miradž 23.06.2013. g.
Uvodničari: Muhamed ef. Velić,
mr. Abdulgafar Velić i glavni imam,
moderator Suljo ef. Djedović prof.
Tema. “Bošnjaci i Evropa“ .

**Tešanj; Šareni mekteb - 16.04. 2013.**

Održan 4. stručni seminar za imame
– u organizaciji Medžlisa IZ-e Tešanj,
a na prijedlog CLPU (Centar za lično i
profesionalno usavršavanje) Sarajevo,
a prisustvovali su mu imami Medžlisa
IZ-e Tešanj i Teslić.

Pred početak seminara prisutnim imamima
su se obratili glavni imam Medžlisa IZ-e
Tešanj mr. Fuad ef. Omerbašić i zamjenik
direktora CLPU mr. Ahmed ef. Purdić, a
kroz dva bloka predavanja, radionicu i komentar radionice obrađena je tema „ Primjena teorija i tehnika motivacije u neprofitnim i religijskim organizacijama“. Stručni predavač je bio mr. Dženan Kulović.

Na kraju seminara svakom učesniku uručen je CD sa radnim materijalom i prezentacijom sa seminara, te odgovarajući certifikat.

**Predavanje mr. Kulovića****III – POSJETE**

Tešanj- 07.06.2013. Direktori OŠ u posjeti glavnom imamu, razgovarali o vjeronauci u školi i kraju školske godine, te posjetili gradilište na obnovi zgrade medrese.



Oraš Planje- 16.06. polaznici mektebske nastave iz džemata Stenjak (Teslić) u povodu 21. godišnjice proгона iz Teslića na tešanjski prostor posjetili džemat O. Planje i sa polaznicima mekteba ovog džemata družili se u džamiji, haremu džamije i šehidskom spomen obilježju gdje su proučili dovu šehidima Teslića i Planja.



Tešanj; 15.05.2013. U posjeti Medžlisu IZ-e Tešanj boravila je delegacija Stranke za BiH, predvođena predsjednikom Stranke Amerom Jerlagićem i predsjednikom OO SBiH Tešanj, Muhidinom Alićem. Delegaciju je primio glavni imam mr. Fuad ef. Omerbašić.

